

這箇爲根本靈元要至誠搜真物外景滅盡世間情四序傳中  
氣三光在上明如通顛倒法何慮不圓成

### 丹陽繼韻

風仙來化我負荷啟丹誠認正本師教焉能著世情心中無罣  
碍性內得圓明永永常清淨仙名稱道成

### 化丹陽

凡人修道先須依此一十二箇字斷酒色財氣攀緣愛念憂愁  
思慮

### 讀至真人語錄

大凡學道不得殺盜飲酒食肉破戒犯願

### 道藏輯要

重陽教化集

三

胃集二  
卅。三

### 知丹陽喫酒贈頌

道成尙喫酒豈惜千年壽訪飲若依前不過四十九

### 丹陽繼韻

誓戒糟漿酒玉液增靈壽凡聖兩俱忘得得真九九

### 令丹陽下山權與陸仙作伴

解寃  
結

我行符水公修藥餌一居山一居鄜市兩處崇真暗相洽卽非  
彼此無爲扇共成不二扶風儒士同爲教旨辟得正上合天意  
行滿功成去蓬萊卻尋舊止如今且休言異寄

### 丹陽繼韻

風仙符水陸公藥餌兩處住一山一市遣鈺居鄜敢相違便當